



PELJE NA KRSTI

- Pelje sta tili na krsti - krstit za edun ar za dvå dni, to? Sta tili dite udniest na krst. Pak da sta tili krstitki bit, to? Da sta tili sãmo trou kumuon kofeja pak kolãče ispeć. A – pa da sta tili za četnajst dun tie dvi kume..
- *A dvi kume su –*
- Dvi. Da, kum – žena je tila štot muža puojt, ne? Nî pelje kum iša. Dà sta tili – to je kumie griet – dà j' tila edna nosit vino pak kifle pak tako cukor pak kofej. A edna je tila doniest kuožne pak košaru, punu košaru tako sega je tila doniest – kuožne pak kifle i cukor. No dà sta tili veliki guosti bit. Dà sta tili sù brãcu pozvat, ne? Dà sta se tili jãko veselit. Sta tili imat po dvooje, meso i kolãče. To sè.
- *To je bilo 14 dan po krstitki?*
- Po krstitki. Da. Dà je tila mati ur zdrava bit od diteta. Da. Košare, no tie, kuožne je tila vako u plećenoj košari na glãvi nosit. Kuma. I tako lipo po rvãtsku ubučena. Gunc. Kã je tila bit divuojka, si tila va plieće ubuć i mlãda žena – saka va plieće. Da.
- *Ča je plieće?*
- Plieće? To je to bilo.
- *Bilo. Bluzn.*
- Našterkano s tin šlingon.
- *A ča dojde prik toga bijeloga?*
- To ide rugljača - se tomu rećie, da.